

PTPTN catat prestasi cemerlang tahun 2023

Jumlah terimaan deposit bernilai RM17.39 bilion direkod sehingga 31 Disember lalu

Oleh Muhammad Yusri Muzamir
yusri.muzamir@bh.com.my

Kuala Lumpur: Perbadanan Tabung Pendidikan Tinggi Nasional (PTPTN) mencatatkan prestasi membanggakan menerusi lonjakan dalam Skim Simpanan Pendidikan Nasional (Simpan SSPN), tahun lalu.

Pengerusinya, Datuk Norliza Abdul Rahim, berkata ia berikutan jumlah terimaan deposit Simpan SSPN bernilai RM17.39 bilion dengan 6.25 juta akaun direkodkan sehingga 31 Disember lalu.

Pencapaian itu, membuktikan usaha PTPTN mentransformasi minda masyarakat supaya membudayakan amalan menabung melalui Simpan SSPN, terus diterima baik masyarakat.

"Pencapaian ini adalah komitmen dan dedikasi seluruh warga PTPTN yang diketuai oleh Ketua Eksekutif PTPTN, Ahmad Dasuki Abdul Majid. Saya bersyukur kerana usaha mengubah pemikiran masyarakat Malaysia

daripada meminjam kepada menabung, sekali gus mengelak kebergantungan kepada pinjaman semakin diterima baik.

"Catatan kejayaan ini dapat diterjemah melalui prestasi Simpan SSPN yang semakin diterima baik setiap lapisan masyarakat," katanya dalam kenyataan, baru-baru ini.

Norliza berkata, penubuhan PTPTN adalah selaras dasar pendemokrasian pendidikan, iaitu semua pihak diberikan peluang sama rata untuk mendapat pinjaman bagi pendidikan tinggi, selain memainkan peranan penting dalam menyumbang kepada modal insan negara, sejak 1997.

Sehubungan itu, katanya, seramai 3.95 juta pelajar, memabihkan dana pinjaman yang telah dikeluarkan bernilai RM71.32 bilion sudah dibantu PTPTN, sehingga 31 Disember lalu, manakala bayaran balik diterima berjumlah RM2.91 bilion, pada 2023.

"Jumlah terimaan ini mencatatkan peningkatan RM144.97 juta atau 5.21 peratus, berbanding 2022. Prestasi ini juga disokong pelbagai strategi berkesan dan insentif diskaun bayaran balik pinjaman oleh kerajaan.

"Usia 27 tahun ini adalah tempoh yang cukup untuk memamatkan PTPTN, bermula dengan satu tujuan iaitu memastikan tiada pelajar tercalar untuk meneruskan pendidikan di institusi pendidikan tinggi ekan masalah kewangan.

Pencapaian ini adalah komitmen dan dedikasi seluruh warga PTPTN yang diketuai oleh Ketua Eksekutif PTPTN, Ahmad Dasuki Abdul Majid. Saya bersyukur kerana usaha mengubah pemikiran masyarakat Malaysia daripada meminjam kepada menabung, sekali gus mengelak kebergantungan kepada pinjaman semakin diterima baik

Datuk Norliza Abdul Rahim,
Pengerusi PTPTN



Selain itu, sebanyak 18 Kementerian dan empat (4) agensi awam peringkat Persekutuan dan negeri memberikan insentif Anugerah Perkhidmatan Cemerlang dalam bentuk akaun Simpan SSPN.

"Pelbagai kerjasama juga dilaksanakan secara berterusan bagi meningkatkan prestasi kutipan bayaran balik.

"Antaranya melalui memorandum persefahaman dengan Majlis Agama Islam Wilayah Persekutuan bagi Skim Bantuan Penyelesaian Pembiayaan Pendidikan serta kerjasama dengan kerajaan Sarawak melalui Yayasan Sarawak dalam usaha membantu pelajar negeri berkenaan meringankan beban hutang pinjaman PTPTN.

"Selain itu, kerjasama strategik dengan Majlis Agama Islam dan Adat Resam Melayu Pahang bagi Insentif Bayaran Balik Anak Asnaf penerima Bantuan Bulanan MUIP," katanya.

Mengulas hala tuju PTPTN, Norliza berkata, agensi itu meletakkan sasaran bayaran balik bernilai RM3.1 bilion, manakala deposit simpanan yang akan diterima berjumlah RM3.2 bilion, tahun ini.

Penetapan itu, katanya, penting bagi memastikan PTPTN terus komited membantu generasi akan datang supaya memiliki sumber kewangan bagi melanjutkan pengajian dan menjadi modal insan berjasa kepada negara.

Beliau berkata, pelbagai strategi dirangka secara menyeluruh, merangkumi semua aspek supaya sasaran itu dapat dicapai, sepanjang tahun ini.

"PTPTN turut mengorak langkah dengan melaksanakan wakaf pendidikan tinggi sebagai antara inisiatif untuk memperbagakan sumber dana PTPTN bagi tujuan pembiayaan pendidikan tinggi, tahun ini.

"Kita juga melakar sejarah baharu dengan memeterai memorandum perjanjian bersama Yayasan Waqaf Malaysia bagi memastikan pengurusan dan pengagihan Wakaf Tunai PTPTN secara berkesan dan efektif, pada 22 Februari lalu.

"Justeru, PTPTN merakamkan penghargaan kepada semua rakan strategik, pendeposit, pinjam PTPTN dan media kerana sentiasa menyokong usaha dilaksanakan PTPTN.

"Kecemerlangan ini diharap dapat diteruskan demi memastikan lebih ramai berpeluang menempa kejayaan, selari moto PTPTN 'Peluang Kejayaan Anda'," katanya.

"Kita juga meneruskan usaha meningkatkan budaya membayar balik pinjaman bagi menjamin pembiayaan PTPTN untuk generasi akan datang," katanya.

Mengenai transformasi digital, Norliza berkata, PTPTN sentiasa komited menambah baik aplikasi myPTPTN untuk meningkatkan kualiti perkhidmatan kepada pelanggan.

Katanya, lebih 1.1 juta pelanggan sudah mendaftar sebagai pengguna myPTPTN sehingga 31 Disember lalu.

"Tahun 2023 memperlihatkan usaha menyeluruh PTPTN dalam penyampaian perkhidmatan secara digital kepada pelanggan, bersifat hujung ke hujung.

"Aplikasi myPTPTN ini akan membuka ruang dan peluang kepada masyarakat untuk mendapatkan perkhidmatan PTPTN pada bila-bila masa dan di mana-mana sahaja tanpa sempadan dengan lebih mudah, cepat dan selamat," katanya.

Sementara itu, Norliza berkata, pihaknya komited menambah baik aplikasi myPTPTN, seiring transformasi dunia digital dengan semua perkhidmatan PTPTN sudah berpindah ke aplikasi terbabit, sekali gus memudahkan pelanggan menikmati pelbagai perkhidmatan dalam satu platform.

Beliau berkata, PTPTN juga akan menumpukan kepada usaha pemantapan myPTPTN ke fasa seterusnya bagi meningkatkan mutu penyampaian perkhidmatan dan transformasi digital, tahun ini.

Raih pelbagai anugerah

Berkongsi pengiktirafan diterima PTPTN, Norliza berkata, antaranya ialah Anugerah Khas PayNet bagi Kategori 100 peratus Kadar Penggunaan Pembayaran Digital melalui Kempen Cashless Boleh oleh PayNet dengan kerjasama Kementerian Kewangan Malaysia.

Selain itu, Anugerah Institusi Simpanan Terbaik Generasi Baharu Pilihan PA&MA, 'Most Effective Use of Integrated Media' (ASTRO) dan 'Most Creative Govt Sector / Non-Profit Marketing' (ASTRO).

"Kecemerlangan dan sumbangan PTPTN dalam memartabat pendidikan tinggi dan memberikan perkhidmatan terbaik kepada para pelanggan terus diiktiraf.

"PTPTN menerima anugerah dan pengiktirafan daripada badan industri berwibawa dan membuktikan usaha agensi ini sudah mencapai standard kecemerlangan ditetapkan, tahun lalu," katanya.

Mengulas lanjut, katanya, PTPTN proaktif mengadakan kerjasama dengan sektor awam dan swasta dalam menjadikan Simpan SSPN sebagai pilihan utama pemberian pelbagai insentif oleh agensi berkenaan, sepanjang tahun lalu.

Antaranya kerjasama strategik bersama kerajaan Sabah melalui Program BAKTI, Program BUDI dan Program BISTARI serta kerjasama strategik dengan Yayasan Veteran ATM (YVATM) melalui Program Insentif Simpanan Anak Veteran ATM dan Program Dermasiswa.

